



Forsa Naval EUA Konklui reabilitasaun Postu Saude KADABUNAK

Ba Publikasaun Imediata

21 Maiu, 2021

Ba informasaun liu tan, kontaktu; Caleb Portnoy, Xefe Assuntu Públiku no Rosario Maia, Espesialista Média, Embaixada EUA, Dili, Timor-Leste Tel: +670 332 4684, 77908209 maiarg@state.gov

Suku Camea, 10 Marsu 2021 – Embaixador EUA ba Timor-Leste Kevin Blackstone, Ministra Saude Odete Belo, Prezidente Munisípiu Dili Gaspar Soares no Xefe Suku Camea, Matos da Costa partisipa iha serimónia inaugurasaun Postu Saude KADABUNAK iha loron 21 Maiu 2021 lokaliza iha Postu Administrativu Cristo Rei. Reabilitasaun ne'e realiza ho fundu husi Forsa Naval EUA ho montante \$152,839 no postu saude ne'e sei benefisia rezidente liu 5,000 iha suku lima. Embaixador Blackstone agradese kontrator Timoroan nain sia ne'ebé kontribui sira nia matenek ba projetu ida ne'e. Ekipa ne'e konstrui sala farmasia, sala konsulta maternidade, sala konsulta jeral no sala laboratóriu. Sira mos troka uma ninia kakuluk, tau azulejiu foun, foru, hadiak janela no instala tangki be'e litru 5,000.

“Hau orgullu tebes ho servisu ne'ebé halao ona liu husi parseria entre Estados Unidos no Timor-Leste,” Embaixador Kevin Blackstone hateten. *“Hanesan imi hotu hatene, Forsa Naval EUA kuñesidu iha Timor-Leste tanba sira nia servisu ne'ebé kualidade iha konstrusaun sala eskola no postu saude sira durante tinan sanulu nia laran. Ami orgullu atu kombinasaun matenek husi Forsa Naval EUA no esperiensa komprovada husi kompañia lokal sira hodi habo'ot kapasidade setor saude nian iha nasaun ne'e. Traballador lokal ne'ebé profesional fo sira nia domin no klamar ba projetu ne'e hodi servisu oras naruk durante tempu COVID-19 nian hodi asegura postu saude ne'e bele finaliza ho didiak no exelente. Ami haksolok bele kontribui ba setor saude no mos ekonomia lokal.”*

Fundu Forsa Nala EUA nian ba projetu ida ne'e parte ida husi Estados Unidos ninia fundu apoiu umanitária no programa kapasitasaun ba responde dezastre iha Timor-Leste.



U.S. Embassy in Timor-Leste